

Autoridade Bankária & Pagamentu Timor-Leste nian (ABP)
Banking and Pyments Authority of Timor-Leste

Relatóriu Trimestráil Fundus Petróleu nian

Trimestre ne'ebe hotu iha 31 Dezembru 2008

KOMUNIKADU IMPRENSA

Autoridade Bankária do Pagamentu (ABP) ohin lansa Relatóriu Trimestráil ba dala sanulu resin tolu ba Trimestere nebe termina iha 31 Dezembru 2008 kona ba Fundus Petróleu Timor-Leste nian ne'ebé hatudu katak Kapitál fundus nian iha 31 Dezembru 2008 hamutuk millaun \$4.196,97 kompara ho millaun \$3.738,35 iha fim Setembru 2008.

Relatóriu ne'e hatudu katak osan-kontadu ne'ebé mak tama durante trimestre ne'e hamutuk millaun US\$585,81 ne'ebé kompostu husi kontribuisaun kontribuinte sira ba Fundus ne'e hamutuk millaun \$183,78 no kontribuisaun realeza (*royalty*) sira husi ANP (*Autoridade Nasional Petróleu*) hamutuk millaun \$402,02..

Rendimentu husi investimetnu fundus nian hamutuk millaun US\$129,36 durante trimestre ne'e, husi ne'ebé kupaun no jurus ne'ebé simu mak millaun \$37 no mudansa iha valór notas nian mak millaun \$92,36.

Rendimentu Fundus Petroleu durante trimestre ne'e mak 3,30%, enquanto rendimento referêncía (*benchmark return*) durante trimestre mak 3,36%. Rendimentu portfoliu durante trimestre ne'e mak pontu baze 6 kiik liu duké rendimento referêncía (*benchmark*) ne'ebé mak iha mandatu ± 25 pontus baze nia laran.

Durante trimester ne'e tuir proposta Governu nian iha montante nebe aprova husi Parlamentu Nasional, \$256 milliaun transfere ona ba Orsamentu Jeral Estadu nian. Durante tinan 2008, total transferensia ba Orsamento Estadu nian mak hamutuk \$396 millaun.

Lei Fundus petróleu nian espesifika katak Autoridade Bankaria no Pagamentu nu'udar Banku Sentráil Timor-Leste iha futuro, mak nu'udar ajente ne'ebé responsavel ba jestaun operasionál fundus Petroleu nian. Ministériu Finanzas responsavel ba establesimentu estratéjia investimentu tomak ba Fundus. Mandatu ne'ebé mak fornese ba Autoridade Bankaria no Pagamentu mak atu maneja fundus ho Indisé Merrill Lynch tinan 0-5 ou ho durasaun husi tinan zero to'o tinan lima iha merkado instrumento finansas Governu Estados Unidos. Autoridade Bankaria no Pagamento maneja ona portfoliu besik liu ho pontu referensia trimestre dala sanulu resin haat dahuluk. Diferensia entre portfoliu no pontu referensia hahú husi inisiu fundus nian mak pontu baze -5 iha meta mandatu ± 25 pontus baze nia laran.

Pontu importante husi Relatóriu Trimestre ba dala XIV, ne'ebé kobre periodu 1 Outubru too 31 Dezembru 2008, inklui:

- Saldo balansu inisiu hamutuk millaun \$3.738,35
- Reseita bruto durante trimestre ne'e hamutuk millaun \$585,81 ne'ebé kompostu husi reseita kontribuinte sira hamutuk millaun US\$183,78 no reseita realeza husi ANP (*Autoridade Nasional Petróleu*) nian hamutuk millaun \$402,02 husi ne'ebé osan-kontadu ne'ebé mak sai hamutuk milaun US\$256,53 transferensia ba orsamentu estadu no ba kustu jestaun durante trimestre ne'e. Osan-kontadu likidu ne'ebé tama hamutuk millaun US\$329,28.
- Rendimentu portfoliu mak 3.30% durante trimestre no rendimento referensia (*benchmark*) mak 3.36%.

- Rendementu investimentu durante trimestere ne'e mak 129,36 millaun kompostu husi jurus titulus nian \$37 millaun e alterasaun valor titulus mak millaun 92,36.
- Saldo balansu ikus hamutuk millaun US\$4.196, 97.

Bazeia ba requizita Ministra Finansas nian atu esplora potenciais utilizaun total Lei Fundu Petroleu hodi diversifika riku soin Fundu Petroleu ba rendimentu nebe boot liu, ABP no Konsehu Konsultoria Investimento (IAB) kontinua halo diskusaun kona ba estratejia diversifikasaun atu diversifika riku soin (assets) Fundu Petroleu nian.

Prosesu negosiasaun kontratu ho Banku Internasional Settlement (BIS) nudar jestor externu naun-commercial progressu dadaun durantu trimestre nee.

Relatóriu trimestrál ne'e, nu'udar mós lei Fundus Petróleu nian no Akordu Jestaun, disponivel husi sítu Autoridade Bankária no Pagamentu www.bancocentral.tl

Ba informasaun adisionál bele hetan husi:

Venancio Alves Maria
Diretór Ezekutivu
Jestaun Fundus Petróleu,
Autoridade Bankária no Pagamentu Timor-Leste nian
Korreiu-Eletróniku: venancio.maria@bancocentral.tl

Telefone: +(670) 3313718

Dili, 9 February 2009